

Schlaf guet, schlaf guet, schlaf guet

„Deheim“ isch nur es Wort, womr hei erfunde
Damit mir meine, mir ghöre irgendnöime hi
„Allei“ isch nur es Wort, womr hei erfunde
Damit mir meine, dass mir irgendöpper si
Und oh „Gott“ isch nur es Wort, womr hei erfunde
Damit mir nid müesse säge: „Mir wirds hie chli z'viu“
U „Mönschlechkeit“ es Wort, womr hei erfunde
Zum schlächt verstecke, wär mir eigentlech si

Chum mir mache üs e Dechi us dene Wörter
U deckä dr Abgrund drmit zuä
Chum mir mache üs e Dechi us dene Wörter
U decke üs zue, schlaf guet, schlaf guet, schlaf guet
Schlaf guet, schlaf guet

„Frei“ isch nur es Wort, womr hei erfunde
Damit mir meine, dass di Gränze nümme stöh
„Gränze“ isch nur es Wort, womr hei erfunde
Damit mir immer wüsse, wenn mir drüber göh
Und oh dr „Tod“ isch nur es Wort, womr hei erfunde
Damit öpper tschuld isch, jedesmau we eine geit
Und „Unändlechkeit“ es Wort, womr hei erfunde
Damit me ds Fystere über de Wulche no ertreit

Chum mir mache üs e Dechi, chum mir mache üs e Dechi

Chum mir mache üs e Dechi us dene Wörter
U deckä dr Abgrund drmit zuä
Chum mir mache üs e Dechi us dene Wörter
U decke üs zue, schlaf guet, schlaf guet, schlaf guet
Schlaf guet, schlaf guet

Über de Wulche und unger de Wort isch nume chaut u läär
Aui Ängst u Sorge si mir verborge, si sy nid wäg
Wörter si nur Wort, womr hei erfunde
Damit me nid ...
Wörter si nur Wort, womr hei erfunde
Damit me nid ...